

上清靈寶大法卷之十二



上清靈寶大法卷之十二

畫三

洞玄靈寶法師南曹執法典者權童初府右翊治金允中編

濟生陽德品

此八緯中
第七條

生生之德大矣哉道好生也故生天地天地
好生也故生萬物人惟既生於是以生爲重
神仙上士學道修真反惡夫幻身之累我世
人罔究其旨便謂修行之士不貴乎生是不
然也夫得道者不戀形體不染物欲本來一
念湛然獨存故其留形也不逐世緣而蕩及
其蛻質也不隨形體而亡神鍊炁澄超凡入

聖回顧眄之脛骸豈非累我老君曰吾有大
患爲吾有身太極真人頌曰外身而身存皆
此義也若世人則異乎此身在則神在體存
則誠存體質一傾魂神散亂或沉於幽暗或
墮於杳冥如此之死不可復生已生之生夫
豈不樂貪生而惡死實古今之常情生生之
不窮乾坤之正理是以上帝憫世垂教立科
拯厄扶危除妖却妄拜章設醮請福延生皆
所以廣大道生生之德而遂斯民生生之願
也靈寶古法有濟生陽德品乃醮告斗星延

生度命之行用也然非受來詞則事難關申
雖爲救濟之善德而非可以隱祕是之謂陽
德按古儀四十二等醮其第二十等曰北斗
醮今此立玄樞靈壇中設北極帝座前列衆
真環以北斗南斗而其行用近乎北斗醮矣
蓋夫斗之在天實爲權綱之主關係甚重延
生請宥尤隸斗樞故也學者當深體濟生之
本意以迪古人之用心則此科可行矣

法曰下元有山川河海之內城邑鄉塢之
中水石禽獸之精五行不正之神下土強

惡之鬼魑魅妖厭之寃妄行妖孽擅作異
端纏惑生人諸不能治或有北陰豐都之
內血肉不正之神結連祖考昔亡近代內
外親姻訟由冥曹延及生人復連殃害諸
不能解以此三辰玄樞靈壇建於淨地所

畫三

祈立報解治安寧

玄樞壇

又曰三辰壇


擇潔淨密室或曠野無人迥靜處取淨地
建壇一所每層高一尺上層闊二尺當心
中皇宮設北極大帝天皇大帝中層闊三

尺列北斗九皇南斗三台日月皆依象然
燈下層閣六尺列三元將軍十二支神當
年太歲擎羊陀羅二使者四直功曹土地
等神前列洞案書二斗名燒燈焰以五色
線自斗口布至洞案下依儀闢啓暗畫匿
過深愆微生昧心隱慝和合年命禳解災
厄人道肅清鬼怪戢息其應特異至誠至
神或不及累土為壇則用堊土畫地為三
級依儀修建然以常壇為優

飛斗

用大紙雲馬於鞍上空處朱書南北二斗符每位獻狀一通并馬一騎逐星獻之馬以奔走之狀雲作飛逸之勢或印板能如式則傭工繪之

北斗



和合年命符

名育 死局

謹請五星靈應帝君和合某年命急急

如元始天尊勅

風水 杜木 山 白 卅

却於符下書云某人某年月日時生上屬

北斗某星君平生陰匿某罪願乞原赦

三作

行或五行
燈焰上燒

二斗星君

魁 魁 魁 魁 魁 魁

魁 魁 魁 魁 魁

七元秘授符

行 行 行 行

行 行 行 行

行 行 行 行

行 行 行 行

行 行 行 行

行 行 行 行

行 行 行 行

飛神

先步斗自斗柄入斗口至臚存斗罩身再步
入斗口三拜存思出神直入斗中呼四直使
者具白醮意見其入斗次見擎羊陀羅二使
者下降檢察醮筵復回啓報星真法師立斗
中候其回畢次入南斗復如北斗式見火鈴
將軍六星童子檢察回報然後斗星乃降良
久有紫雲異香或赤光入戶乃二斗下降也
忌僧尼孝子婦人雞犬見之

畫三

四

先於壇前列案然燈燭仍時新五果醴酒

異香不用檀香乳香或缺淨酒則酌以玄
酒惟精潔依儀奏啓關告事畢獻狀錢馬
以火燒化誠極其至萬厄皆除

允中受傳靈寶大法乃中原舊文也今所
編集悉遵師傳不敢改易大抵事若當於

理何暇辨釋豈可言別派之異同實緣天
台一宗流布漸廣而其說戾古者多矣與
其餘諸家大不相似遺之不考人必致疑
罔知適從故不得已而述之衆書與天台
不同處則敘其所以異天台與衆書近似

處亦證其說不誣初非允中自無師授之
文假天台之法以成書也況允中編集出
行用古式多是天台法中所不載者玄樞
祈告古來靈寶法中稱濟生陽德品今列
于前者是其本文也自天台杜達真立璇

書三

五

璣法每事好異既不從伏古科稱北斗醮
創置玄靈璇璣府印設察訪使之職又稱
主管璇璣府事今世人受之此則玄科世
法兩皆違犯天理人情兩皆不順允中已
於總序詳論之矣故只合遵依古法止稱

北斗醮主行之人各從本法之銜用本職
之印如行天心正法合用驅邪院印之類
不應改換銜位變更印文若不稱北斗醮
而別立一名則北斗之傍名號亦有隱僻
而人罕見者皆足以爲異而欺世但未免
有如曹娥碑陰黃絹幼婦之語後世市井
間流而爲猜謎者也變其正事令人以意
逆之實兒戲爾以此褻瀆上真於心安乎
及其文檄旣上奏於斗星與天帝同禮或
者又簽其狀函曰狀奏九晨玉闕此尤僭

亂天儀三清玉帝之天門可言玉闕斗星
不敢當也且以星界言之則紫微垣已可
考矣垣者圜屏之謂今兩畔各有七星環
之上則華蓋覆之北極大帝天皇大帝居
於垣中其前之缺處曰閭闔此則紫微垣
之闕乃可稱帝闕如北斗則又居閭闔之
前乃綱紀之星為喉舌之要出納號令臨
制四方世之尚書亦為朝廷之喉舌夫斗
則天之大有之司其職至要其權至重矣
然終不可尊北斗為天帝猶世之不可以

尚書爲天子也北斗稱玉闕僭亂謬之甚
矣杜公之門戶其始貴於異俗尚竒而終
焉大致違科失禮襲而倣之恐非謹厚之
體格也若北斗又曰中斗如法中以南斗
相對而醮之者蓋取南斗經中之說而爲
之其實南斗乃二十八宿中之斗宿亦在
大之東北自天文中亦稱南斗然終不可
與中斗對也古法如此編入故不敢更易
其舊

畫三

六

上清靈寶大法卷之十二

共三

